

後漢書疏證

後漢書疏證卷二十四

吳 沈欽韓撰

犍爲郡

華陽國志江陽郡本犍爲枝江都尉建安十八年漢安

程徵石謙白州牧劉璋求立郡璋聽之以都尉成存爲

太守

按劉璋志建安五年遷程畿爲江陽太守如云十八年立郡十九年先主已定蜀不應有遷畿爲太

守州郡志劉璋分立江陽郡晉志以爲蜀置非也又華

陽志蜀延熙中以南廣縣爲南廣郡水經注亦云蜀置

州郡志以爲晉武帝立者非

武陽

通典漢武陽縣故城在今嘉州綏山縣東元和志眉州

彭山縣本漢武陽縣周武帝于此置隆山郡并縣隋罷

郡先天元年犯諱改爲彭山

漢魏爲郡故城在縣西北五里

又通義縣

本武陽縣之南境後魏置又蜀州新津縣本武陽縣地

又陵州仁壽縣本漢武陽縣東境後魏置普寧縣隋開

皇十八年改又籍縣始建并研三縣皆武陽縣地隋置

隋志大業初廢籍縣入貴平舊唐志永徽四年分貴平縣復置華陽志孝昭元年郡治

樊道後遂徙武陽王莽時郡人不會更始都南陽遠奉

貢職及公孫述有蜀郡拒守述伐之郡功曹朱遵逆戰

眾寡不敵遵絆馬死戰遂爲述所并

元和志磐嶺在縣西南二十五里擁

江水爲大堰開六水門用灌郡而任君業閉戶費貽素

隱光武嘉之曰士大夫之郡也郡去成都百五十里渡

大江昔人作大橋曰漢安橋廣一里半每夏秋水盛斷

絕歲歲修理百姓苦之建安二十一年太守李嚴乃擊

天社山尋江通車道吏民悅之水經注太初四年益州

刺史任安城武陽文井江又東至武陽縣天社山下入

江江水自武陽東至彭亡聚元和志彭亡城亦曰平無城岑彭至其地改曰平無

若言巴蜀已平無復賊也華陽志張羅屯平無昔岑彭與吳漢泝江水入蜀軍

次是地遂爲刺客所害謂之平模水亦曰外水通鑑永

和三年桓溫伐漢至彭模議者欲分爲兩軍異道俱進

以分漢兵之勢袁喬曰今懸軍深入萬里之外勝則大功可立不勝則噍類無遺當合勢齊力以取一戰之捷若分兩軍則眾心不一萬一偏敗大事去矣不如全軍而進溫從之留參軍孫盛周楚將羸兵守輜重溫自將

步卒直指成都李福進攻彭模孫盛等奮擊走之

晉陽周撫

傳桓溫征蜀進撫督梁州之漢中巴西梓潼陰平西四郡軍事鎮彭模撫擊破蜀餘寇隗文鄧定等文定等復反立范賢子賁爲帝初賢爲李雄國師以左道惑百姓人多事之賁遂有眾一萬撫與龍驤將軍朱壽擊破斬之

宋書朱齡石傳義熙九年遣諸軍伐蜀令齡石爲元

帥高祖初與齡石密謀進取曰劉敬宣往年出黃虎無功而還賊謂我今應從外水往而料我當出其不意猶

從內外來也如此必以重兵守涪城以備內道若向黃
虎正墮其計今以大眾自外水取成都疑兵出內水此
制敵之奇也而慮此聲先馳賊審虛實別有函書全封
齡石署函邊曰至白帝乃開諸軍雖進未知處分所由
至白帝乃發書曰眾軍悉從外水取成都臧熹朱林子
水中取廣漢使羸弱乘高艦十餘由內水向黃虎眾軍
乃倍道兼行譙縱果備內水使譙道福以重兵戍涪城
前將軍侯輝僕射譙詵等率眾萬餘屯彭模夾水爲城
十年六月齡石至彭模劉鍾傳爲前鋒由外水至彭模
去成都二百里僞冠軍征討督
護亢等兩岸連營層樓重櫓眾號三萬鍾于時羸疾不
能行齡石詣鍾謀曰今天時盛熱而賊嚴兵固險攻之

未必可拔祇增疲困計其人情恇撓必不久安且欲養
銳息兵以伺其隙然決機兩陳公本有所委卿意謂何
鍾曰不然前揚聲言大眾向內水譙道福不敢舍涪城
今重軍卒至出其不意蜀人已破膽矣賊今阻守險是
其懼不敢戰非能持久堅守也因其凶懼盡銳攻之其
勢必克鼓行而進成都必不能守今若緩兵相守彼將
知人虛實涪軍忽來并力拒我人情旣安良將
又集此求戰不獲軍食無資當爲蜀子虜耳諸將以

賊水北城險阻眾多咸欲先攻其南齡石曰不然雖寇
在北今屠南城不足以破北若盡銳以拔北壘南城不

麾自散七月齡石率劉鍾蒯恩等攻城至日昃焚其樓

櫓四面並登斬侯輝譙詵回軍屠南城卽時散潰凡斬

大將十五級諸營守以次土崩

按岑彭討公孫述亦以疑兵綴內水而從都江

襲擊拔武陽直指成都桓溫取李勢
朱齡石取譙縱事若全符可以參攷

資中

通典資州所管八縣

盤石資陽內江丹山龍水月山銀山清溪

並資中縣地

元和志築州和義威遠二縣並漢資中縣地

畫字記後周武成二

年於資中故城置資陽縣

蜀志李嚴傳二十三年盜賊馬秦高勝等

起事于郫合聚部伍數萬人到資中縣先主在漢中嚴不更發兵但率將郡士五千人討之斬秦勝等首枝黨

星散

牛鄆

通典簡州陽安縣漢牛鄆縣地

隋志陽安舊曰牛鄆

元和志平泉

縣漢牛鄆縣地

隋志西魏置曰葵閭開皇十八年改名舊唐志隋移縣治于賴黎池改爲平泉

又漢州金堂縣本牛鞞縣地水經注洛水又逕犍爲牛
鞞縣爲牛鞞水華陽志太安二年羅尙糧運不繼而被
攻急夜由牛鞞水東下留牙門張羅持守城倉卒失節
鉞宋書臧質傳朱齡石伐蜀命熹奇兵出中水譙縱遣
大將譙撫之萬餘人屯牛脾又遣譙小苟重兵塞打鼻
元和志鼎鼻山亦曰打鼻山在眉州熹至牛脾撫之戰
彭山南十五里山形孤起東臨江水
敗退走追斬之小苟鬪撫之死卽便奔散
實宇記華陽志云牛脾縣
有陽明井今簡州北
十里陽明井里也

南安

通典嘉州玉津縣漢南安縣

元和志嘉州所管龍遊夾江綏山羅目峨眉玉津平

羌健爲八縣皆南安縣地又眉州青
神縣本漢南安縣地隋志後周置
又榮州旭川縣漢

南安縣地元和志又資官應靈二縣南安縣地寰宇記
義熙中置治官縣舊名資字誤按州郡志晉

安帝立治官縣隋無舊唐志戎州義賓縣本漢南安縣隋改爲郁

郾縣天寶元年改爲賓義按隋志健爲郡無郾縣水
新唐志寰宇記與此同

經注江水東南逕南安縣西有熊耳峽連山競險接嶺

爭高漢河平中山崩地震江水逆流懸漑有灘名壘坻

亦曰鹽漑李冰所平縣卽蜀王開明故治縣南有峨眉

山有濛水卽大渡水水發濛溪東入江華陽志南安縣

郡東四百里治青衣江會南有峨眉山山去縣八里永

康元年趙廩反遣軍逆西夷校尉陳總總至江陽間廩

有異志主簿趙模進曰今州郡不協必生大變惟當速行是府兵要助順討逆莫有動者也總更緣道遲留至南安魚涪津以與厥軍遇白總散財貨募士卒拒戰若克州軍則州可不克順流而退必無害也總不能更曰趙益州忿耿侯故殺之與吾何嫌何爲如此模曰今州軍起事必當立威雖不戰無益也言至垂涕總不聽眾拖總逃草中模衣總服格戰厥兵殺模見非總乃搜求總殺之永嘉四年折衝將軍張羅進據犍爲之合水巴蜀爲語曰譙登治涪城文石在巴西張羅守合水巴氏那得前宣宇記嘉州龍遊縣卽青衣水合江之會晉書所通典龍遊縣在大江青衣兩水之會

李勢載祀大司馬桓温于人從山陽趨合水距温謂温
從步道而上諸將皆欲設伏于江南以待王師晉堅不
從率諸軍從江北鴛鴦碕渡寰宇記戎州南溪縣西三十里有津津南有鴛鴦圻
是黃帛扶夫屍出灘向健爲而温從山陽出江南晉堅之所因名爲鴛鴦圻
到健爲方知與温異道乃迴從沙頭津北渡華陽志大
下至健爲有五津始曰白華津二曰里津三曰江首津
四曰沙頭津劉璋時召東州民居此改曰東州頭五曰
江南津入健爲有漢安橋至及堅至温已造成都之十
津東沮津左思云東越玉津

里陌皆堅取自潰

夔道

元和志戎州夔道縣本漢舊縣

隋志夔道後周置曰外江大業初改名又

開邊縣漢熨道地

通典歸順縣貞觀中廢薛復置縣熨道縣地蓋字記大黎山小黎山在開

邊縣界四時淫霖不絕俗呼爲大漏天小漏天

華陽志熨道縣在南安東四百

里距郡百里高后六年城之治馬湖江會水通越嶲本

有熨人故秦紀言熨童之富漢民多漸斥徙之有荔支

薑蒟

元和志荔支一樹可收百五十斗

濱江有兵鬪

劉昭注引作王兵蘭誤

李冰

燒之崖有五色赤白映水立黃魚從熨來至此而止畏

崖映水也水經注漢武帝感相如之言使令南通熨道

費功無成唐蒙南入斬之乃鑿石開閣以通南中

華陽志令

將斬歎曰忝官益土恨不見成都市蒙卽令道

成都市而殺之故世爲諺曰思都郵斬令頭

舊傳曰張真妻黃氏女也名帛真乘船覆沒求尸不得

帛至沒處灘頭仰天而歎遂自沈淵積十四日帛執真
手于灘下出時人爲說曰符有先絡熨道有張帛蜀志
李嚴傳越雋夷帥高定遣軍圍新道嚴馳往起救賊皆
破走按漢晉志無新道
縣當卽熨道之訛華陽志永嘉四年雄眾攻熨道
走犍爲太守魏紀雄將任回獲之

江陽

通典瀘川縣本漢江陽縣

隋志瀘川舊曰江陽大業初改元和志綿水

富義二縣皆漢江陽縣地

舊唐志隋富世縣貞觀未改爲富義縣界有富世鹽井井

深二百五十丈以達鹽泉俗呼玉女泉以其井出鹽最多人獲厚利又晉置綿水縣富綿水入江之口按華陽國志江陽有富義鹽井沈志綿水縣晉孝武立水經注綿水至江陽縣方山下

大江謂之綿水口亦曰中水

朱書藏熹出中水取廣漢
卽此襄宇記中江水自漢

州金堂峽穿過懷安軍經簡州至
當縣又出界至瀘州江口合大江縣枕帶雙流據江洛

會也故犍爲枝江都尉劉璋立江中有大闕水闕季春

之月則黃龍堆沒闕乃平也蜀志趙雲傳亮率雲與張

飛等沂江西上平定郡縣至江州分遣雲從外水上江

陽與亮會成都

按飛等則由
內水會成都

華陽志永興元年羅尙至

江陽軍司辛寶詣洛表狀詔書權統巴東巴郡涪陵三

郡供其軍賦永嘉四年雄眾殺江陽太守姚襲何隨傳

子觀字巨忠平西長史張昌作亂荊州徒黨西上郡守

無不望風降下至江陽平西將軍羅尙表爲安遠護軍

討賊平珍侯馥傳寧州刺史王遜取爲參軍遜議遷牂
叅太守謝恕爲涪陵太守出屯巴郡之把口表馥爲江
陽太守住江陽之泚源撫卹蠻獠克復江陽雄征東李
恭已立江陽馥修繕舟艦爲進取計預白遜請軍移恕
俱出涪陵不能自前恭舉眾攻馥眾寡不敵爲恭所破
獲通鑑咸和九年成主雄之子車騎將軍越屯江陽奔
喪至成都以太子班非雄所生意不服與其弟安東將
軍期謀作亂班弟珩勸班遣越還江陽以期爲梁州刺
史鎮葭萌班以未葬不忍遣推心待之無所疑間遣珩
出屯于涪越因班夜哭弑之于殯宮奉期而立之從兄

始爲征東大將軍伐越鎮江陽

荷節

荷當爲符据前志及他地志只稱符縣無節字

通典瀘州合江縣漢符縣後周改曰合江

元和志晉穆帝于此置安

樂縣梁改置安樂

華陽志符縣郡東二百里治安樂水

會水經注水源南通盛州平夷郡龍縣北逕安樂縣界之東又逕符縣下北入江季漢輔臣贊注王士舉孝廉

爲符節長如陳壽所稱則又嘗爲符節縣

南廣

舊唐志戎州南溪縣漢南廣縣

晉志南廣縣屬朱提郡蓋蜀立郡時所屬其後

又爲南廣郡隋志南溪梁

水經注江水又與符黑水合

置曰南廣仁壽初改名

水出寧州南廣郡南廣縣劉禪延熙中分以爲郡導源
汾關山北流有大涉水注之水出南廣縣北流注符黑
水又北逕熨道入江謂之南廣口華陽志蜀置南廣郡
以蜀郡常竺爲太守竺召爲侍中巴西令狐衷代之元
帝世刺史王遜移朱提郡治南廣太守李釗數破李雄
殺賊大將樂初後刺史尹奉卻郡還舊治舊治朱提及雄定
寧州復置南廣郡晉書王遜傳之分朱提爲南廣郡據常志知彼傳誤咸和七年
李壽南征寧州以費黑爲司馬與邵攀等爲前驅由南
廣入

漢安

元和志資州內江縣後漢分資中縣置漢安縣李雄後

陷于夷獠周武帝于中江水濱置漢安戍其中改爲中

江縣隋改爲內江寰宇記開皇二年徙內江于漢安故城卽今縣也又榮州威遠縣本資中

縣及漢安縣地按通典瀘州江安縣之晉置漢安縣隋改爲江安隋志江安舊曰漢安此則瀘州之江安本漢

安非後漢之漢安縣也州郡志雖兩列漢安而不言晉復置水經注洛水東逕資中

縣又逕漢安縣謂之綿水江水逕漢安縣北東逕樊石

灘又逕大附灘頻歷二陰也華陽志漢安縣郡東五百

里土地雖近山水特美宜蠶桑有鹽井魚池以百數晉

永嘉四年平西參軍向奮屯安漢之宜福張羅屯平無

雄自攻奮永嘉元年羅尙施關置關戍至漢安焚道

狀叻郡

蜀志建興三年分建寧牂柯爲興古郡州郡志興古郡漢舊郡何志劉氏分建寧牂柯立則是後漢末省也按兩漢志並無興古郡而沈志乃以爲漢舊郡乖謬若此難云信史又按華陽國志漢縣十七戶六萬及晉縣四戶五千攷前志則戶二萬四千二百十九續志則戶三萬一千五百二十三晉志則戶裁一千二百其多寡之數相去甚懸疑有誤

華陽志咸和八年李雄弟壽破南郡獨爲晉官至撫夷中郎將寧州刺史冠軍將軍

故且蘭

寰宇記故牂柯郡城在牂州建安縣西

元和志播州爲夜郎且蘭之地

水經注豚水東逕且蘭縣謂之牂柯水水廣數里縣臨

江上一名頭蘭牂柯郡治

晉志郡治萬壽縣沈志晉武帝立

華陽志郡

上值天井故多雨建興三年亮南征別遣馬忠伐牂柯

忠破牂柯以忠爲太守蜀志建興元年牂柯太守朱褒

擁郡反

魏氏春秋曰初益州從事常房行部聞褒將有異志收其主簿按問殺之褒怒攻殺房誣以謀

反按華陽志作常頤

馬忠傳郡丞朱褒叛亂之後忠撫育卹理甚

有威惠

張嶷傳益部耆舊傳曰牂柯與古獠復反忠令嶷領諸營往討嶷招降得二千人悉傳詣漢中

平夷

方輿紀要曲靖軍民府陸涼州有平夷城卽州治一統

志平夷廢縣在遵義府仁懷縣西南漢置唐盤州平夷

縣在雲南陸涼州界非此縣舊唐志盤州有平夷縣

州都督華陽志平夷郡有平夷縣元帝建興元年置

按建愍帝非有碣津安樂水

州郡志永嘉五年寧州刺史王遜分牂柯朱提建寧立平夷郡

按平夷郡領平夷營二縣皆木牂柯與朱提建寧無涉晉元帝世太守孟才以驕

暴無恩郡民王清范期逐出之刺史王遜怒分營半爲

平夷郡夜郎以南爲夜郎郡蜀志李恢傳章武元年庾

降都督鄧方卒先主問恢誰可代者恢對曰人之才能

各有長短明主在上則臣下盡情是以先零之役趙充

國曰莫若老臣臣竊不自揆惟陛下察之先主笑曰孤

之本意亦已在卿矣遂以恢爲康降都督使持節領交
州刺史往平夷縣

營

一統志營縣故城在大定府畢節縣境方輿紀要云在

曲靖府陸涼州北華陽志營縣故犍爲郡城也不狼山

出營水入沅

按營縣前志本屬犍爲後漢屬牂柯故水常璩言如此水經注言犍爲郡治者誤

經注營水東與溫水合一曰煖水出犍爲符縣而南入
黠水黠水亦出符縣俱南入營縣水營水于其縣東注

延江水

毋欲

水經注存水又東逕毋斂縣北東南與毋斂水合水首受牂柯水逕縣爲毋斂水華陽志毋斂人尹珍字道真以生遐裔未漸庠序乃遠從汝南許叔重授五經又師事應世叔學圖緯通三材還以教授于是南域始有學談指

州郡志作談柏方輿紀要談指城在遵義府桐梓縣西南夜郎

元和志獎州峨山縣本夜郎縣天寶元年改

寰宇記貞觀八年置

夜郎縣

又充州故夜郎侯邑

元和志曲州本漢夜郎國地

同並

方輿紀要同並城在曲靖府霑益州北舊唐志鄧州有
同起縣水經注葉榆水東逕同並縣南

談橐

州郡志言談橐漏江二縣漢舊縣晉武帝立則此一縣
經蜀時并省水經注溫水自夜郎縣西北逕談橐與迷
水合水西出益州郡之銅瀨縣談虜山東逕談縣橐縣
右注溫水華陽談橐縣有濮獠

漏江

水經注葉榆水東逕漏江縣伏流山下復出蝮口謂之
漏江左思蜀都賦曰漏江湫流潰其阿諸葛亮之平南

中戰于是水之南

毋單

水經注溫水逕毋單縣建興中劉氏割屬建橋水東流
至縣入溫華陽志屬晉寧郡王遜表改益州爲晉寧郡
按州郡晉志晉惠帝永安二年晉志是分建寧西七縣
爲益州郡晉懷帝更名晉寧

宛溫

一統志曲靖府霑益州漢宛溫縣地滇記宛溫廢縣在
曲靖府亦佐縣北二百里水經注建興三年分牂柯置
興古郡治宛溫縣按州郡志宛溫縣本名宛溫爲桓溫
改華陽志脫宛字或隸之遂并水經

注之宛字削去非也又劉昭
注于此縣下誤引律高縣事

鐔封

水經注溫水東南逕鐔封縣又逕來唯縣東

按華陽志
晉宋志皆

無來唯縣華陽志鐔封縣屬與古郡又有漢興縣當是
蜀立水經注盤水又逕漢興縣李恢傳恢封漢興亭侯
也是也

漏臥

方輿紀要漏臥廢縣在曲靖府羅平州南晉宋志俱屬

與古郡華陽志脫此縣

甸町

方輿紀要甸町廢縣在臨安府通海縣東北五里水經

注文象水導源句訂縣水與象水盧惟水來細水伐水
並自縣東歷廣鬱至增食縣注鬱水

進乘

前志作進桑

晉志與此同

水經葉榆水出進桑關注云縣詳

柯之南部都尉治也水上有關故曰進桑關馬援言從
葭泠水道出進桑王國至益州賁古縣轉輸通利益兵
車資運所由矣

西隨

華陽志屬梁水郡州郡志作西隋水經注自西隨至交
趾崇山接險水路三千里

越嶲郡

元和志魏晉已還蠻獠恃險鈔竊乍服乍叛周武帝天

和三年開越嶲地于嶲城置巖州開皇十八年改爲嶲

州華陽志潛溪縣漢末置晉初省按前志本有嶲街縣

又馬湖縣晉初省又有安上縣去郡八百里蜀志張巖

定新唐志曲州朱提縣本安上縣武德七年更名朱提此當是蜀時安上縣之舊地以上三縣皆是蜀置

邛都

元和志嶲州越嶲縣本漢邛都縣地開皇六年分邛都

置隋志有邛都縣唐志皆不載又西瀘縣本邛都縣地

其何時省并應并入越嶲隋志爲可泉新唐水經注縣陷爲池南人謂之邛河河

志天寶元年更名

中有蟀雋山

元和志附河在越
雋縣東南十里

又有溫水冬夏常熱其

源可燂鷄豚下湯沐洗能治宿疾昔李驥敗李流于溫

水是也

流當
爲釗

華陽志邛都縣郡治邛之初有七部後爲

七部營軍又有四部斯兒章武三年越雋叟大帥高定

元反

按蜀志
無元字

稱王恣睢遣都督李承之

張嶷傳作斯都
者帥李求承

殺將軍焦黃破沒郡土丞相亮遣越雋太守龔祿住安

上縣遙領太守安上去郡八百里有名而已延熙二年

太守張嶷乃還舊郡更城郡城邊復後頗好究雖有四

部斯兒及七營軍不足固守乃置赤甲北軍二牙門及

斯兒督軍中堅衛夷徼

泰寧元年越雋斯叟及攻圍任
回及太守李謙遣其征南費黑

敵之咸和元年夏斯叟蜀志張疑傳時論欲復舊郡除破二年謙移郡民于蜀

疑爲越雋太守將所領之郡誘以恩信蠻夷頗降附北

徵捉馬最驍勁不承節度疑乃往討生縛其帥魏狼又

解縱告諭使招懷餘類表拜狼爲邑侯又斯都耆帥李

求成昔手殺龔祿疑求募捕得數其宿惡而誅之始疑

以郡郛宇頽壞更築小塢在官三年徙還故郡繕治城

郭夷種男女莫不致力晉書王遜傳先是越雋太守李

釗爲李雄所執華陽志太興二年李驥伐越雋獲太守李釗自蜀逃歸還復

以釗爲越雋太守李雄遣李驥任回攻釗釗自南秦縣屬

朱提郡與漢嘉太守王載共拒之戰于溫水釗敗績載遂

以二郡附雄

遂久

一統志遂久廢縣在鹽遠府鹽源縣西章懷太子註遂

久故縣在今靡州界

新唐志麋州南接姚州領磨梁七部二縣

華陽志遂久

縣屬雲南郡蓋蜀置郡時度屬水經注若水南逕雲南之遂久縣青蛉水入焉

靈關道

舊唐志武德元年雅州經置靈關縣六年省寰宇記雅

州盧山縣有靈關鎮在縣北八十二里

元和志在縣西北六十里四

向險峻控帶蕃蠻一夫守之可以禦百蜀都賦云廓靈

關而爲門注云關爲西南漢嘉郡界也水經注青衣水

發漢嘉縣蒙山東逕其縣與沫水會于越西靈關道又

沫水東至越雋靈關縣出蒙山南縣有銅山又有利慈

渚

劉昭注脫渚字

晉太始九年黃龍二見于利慈池刺史王濬

表上之晉朝改護龍縣也

按太康地志無護龍縣

按胡渭趙一清

皆以水經注所云爲漢嘉之靈關非越雋靈關道今細
尋水經注本文則靈關道在越雋西北界與漢嘉嚴道
相接故縣名取彼靈關爲名非有二也

臺登

通典雋州臺登縣漢舊縣

元和志周武帝重立實字詔據十道志云本陽山縣開元

初改新舊唐志皆無其文蓋誤記也華陽志臺登縣有孫水一曰白沙江

入馬湖水山有礮石火燒成鐵剛利元和志鐵石山在縣東三十五里

水經注孫水出臺高縣卽臺登縣按晉宋志仍名臺登恐鄜氏傳聞誤晉

書明紀太寧元年李雄使其將李驥任回寇臺登將軍

司馬玫死之成紀咸和二年寧州秀才龐遺起義兵攻

李雄將任回李謙等雄遣其將羅恆費黑救之寧州刺

史尹奉遣裨將姚岳宋提太守楊遺戰于臺登岳等敗

績

青蛤

一號志青蛤廢縣今姚安府太姚縣治華陽志青蛤縣

屬雲南郡山有碧雞金馬光景倏忽

寰宇記姚州姚城縣再同山有碧雞

之視金馬水經注青蛉水出青蛉縣西

此下酈氏所云與劉昭注引華陽志在三

緹縣下者同實應在此縣下也

卑水

一統志卑水廢縣在壺遠府會理州東北水經注繩水

又逕越嶲郡之馬湖縣謂之馬湖江又左合卑水水出

卑水縣東流注馬湖江

按馬湖今馬邊屬卑水縣當在其西

華陽志卑水

縣去郡三百里水流通馬湖建興三年丞相亮南征自

安上由水路入越嶲高定元自旄牛定葭卑水多爲壘

守亮欲俟定元軍眾集合共討之軍卑水定元部曲殺

雍闓及士庶等孟獲代闓爲主亮旣斬定元乃渡瀘進

征益州

三縫

縫當爲絳
前志作絳

一統志三縫廢縣在寧遠府會理州東南新唐志黎州

有絳縣

武德七年析南寧州置西寧州貞觀八年更名黎州北接昆州

水經注繩水又

逕三縫縣西三縫一曰小會無華陽志三縫縣道通寧

州渡瀘得青蛉縣李雄載記驤進軍由小會攻寧州刺

史王遜

會無

一統志會無廢縣今會理州怡元和志嶺州會川縣本

漢會無縣蕭齊沒于夷獠高宗上元二年于其地置會

川縣天寶初又于會縣側立會同軍在州南三百七十

里

寰宇記十道記云瀘水出蕃中入黔府歷郡界出拓州至此有瀘津關關上有石岸高三十丈土人以牛

皮爲船方涉津溪

華陽志會無縣路通蠻州渡瀘得住狼縣故

濮人邑也水經注若水又逕會無縣縣有駿馬河水出

縣東高山山有天馬徑厥跡存焉日行千里民家馬牧

之山下或產駿駒河中有見子胎銅以羊祠之則可取

也孫水南至會無水若水

按華陽志與此稍異見子胎銅彼作銅船

定祚

元和志嵐州昆明縣本漢定祚縣周武帝立定祚鎮武

德二年于鎮置昆明縣蓋南接昆明之地因以爲名華

陽志定苻縣在郡西渡瀘水汶山曰夷南中曰昆明漢

嘉越嚮曰苻蜀曰邛皆夷種也

元和志凡言苻者夷人
大江水上置藤橋謂之

苻其定苻大苻皆
是近水置苻橋處

蜀志張疑傳定苻臺登卑水三縣去

郡三百餘里舊出鐵鹽及漆而夷徼久自固食疑率將

領奪取署吏長疑之到定苻率豪狼岑槃木王舅甚爲

夷蠻所信任忿疑自侵不日來詣疑使壯士數十直往

收致搥而殺之持尸還種厚加賞賜喻以狼岑之惡種

類咸面縛謝過疑殺牛饗宴重申恩信遂獲鹽鐵器用

周贍

元和志鹽井在縣城中取鹽先
積柴燒之以水洗上卽成黑鹽

關字當
爲關

通典雋州邛縣漢關縣

元和志周武帝于此邛部城置邛部郡縣屬寰宇記開皇三年

罷郡改爲

華陽志關縣故邛人邑今省

按前志關縣師古音蘭州郡志

沈黎郡蘭縣漢舊作關明此作關傳寫之訛後或轉據彪志并改華陽志故今亦爲關字

蘇示

通典雋州蘇祁縣漢舊縣

州郡志誤爲蘇利

華陽志晉省

元和志後

陷夷獠周武帝開越嶲復置

蜀志張嶷傳蘇祁邑君冬逢逢弟隗渠

等已降復反嶷誅逢逢妻旄牛王女嶷以計原之而渠

逃入西徼渠剛猛捷捍爲諸種所畏憚遣所親二人詐

降疑覺之許以重賞使爲反間二人遂合謀殺渠渠死

諸種皆安

大茆

華陽志大茆漢末省水經注云繩水南逕旄牛道至大茆與若水合自下亦通謂之爲繩水

茆秦

稱茆秦者當以秦人與茆人雜居故以目縣華陽志漢末省

姑復

晉志屬雲南郡當亦蜀時度屬也水經注繩水逕姑復縣北對三絳縣淹水注之逕縣之臨池澤而東北逕雲

南縣西東北注若水方輿紀要姑復廢縣在會川衛南

今會理州

益州郡

蜀志建興三年改益州爲建寧郡分建寧永昌爲雲南

郡華陽志建寧郡治味縣故庾降都督屯南人謂之屯

下有五部都尉四姓及霍家部曲秦始六年置寧州鮮

于嬰爲寧州刺史太康三年罷寧州置南夷校尉晉紀與此

同大同志以天水李毅後賢志李毅爲廣漢人此必有誤爲校尉持節

統兵鎮南中統五十八部夷俗都監行事太安元年從

事孫辨上南中形勢七郡斗絕晉弱夷強加其土人屈

寒

有脫誤

應復寧州以相鎮慰冬十一月丙戌詔書復置

寧州增統牂柯益州

二年從建寧郡分立益州郡

朱提台七郡爲刺

史

仍以李毅爲之

晉志太安二年又分建寧以西七縣別立爲

益州郡永嘉二年改益州曰晉寧

按華陽志稱漢益州郡戶二十萬而彪志

只二萬九千恐誤衍十字

滇池

舊唐志昆州晉寧縣有滇池方三百里水經注溫水又南逕滇池城池在縣西周三百許里上源深廣下流淺狹如倒流故曰滇池晉太元十四年寧州刺史費統言晉寧郡滇池縣兩神馬一白一黑盤戲河水之上蜀志

張裔傳先是益州郡殺太守正昂耆率雍闓恩信著于

南土使命周旋遠通孫權乃以裔爲益州太守闓遂趨

趙不賓假鬼教令縛于吳

呂凱傳都護李嚴與凱六書六紙解喻利害闓但答一紙

曰蓋聞天無二日土無二王今天下鼎立正朔有三是以遠人惶惑不知所歸也其桀慢如此華陽志

先主薨後牂柯郡丞朱褒殺從事常頌爲亂益州夷不

從闓闓使建寧孟獲說夷叟曰官欲得烏狗三百頭膺

前盡黑螭腦三斗斫木構三丈者三千枚汝能得否夷

以爲然皆從闓斫木堅剛性委曲高不至二丈故獲以

欺夷建興三年春亮南征生虜孟獲凡七虜七赦獲等

以服

獲入朝爲御史中丞

移南中勁卒青羌萬餘家于蜀爲五部

所當無前號爲飛軍分其羸弱配大姓爲部曲置五部
都尉號五子故南人言四姓五子也晉別立益州郡治
滇池縣後太守李暢恢孫也與前太守董懂建寧爨量
共叛寧州刺史王遜表改益州郡爲晉寧郡

勝休

晉志爲滕休州郡志爲騰休華陽志勝休縣屬興古郡
有河水水經注梁水上承河水于俞元縣東南逕興古
之勝休縣

俞元

一統志俞元廢縣在潯江府河陽縣水經注橋水上承

俞元之南池縣治龍池州周四十七里與邪龍分浦後

立河陽郡治河陽縣縣在河源洲上華陽刺史王遜分河南置河陽郡

又有雲平縣州郡志晉咸寧五年立並在洲中按沈約謂二漢無俞元縣者謬蜀李

恢即建寧俞元人

律高

方輿紀要律高廢縣在曲靖府馬龍州東州郡志縣後

省晉武帝咸寧元年分建寧郡修雲俞元二縣流民復

立津高縣水經注盤水出律高縣東南監町山水廣百

餘步深處十丈甚有瘴氣朱褒之反李恢追至盤江者

也華陽志刺史王遜時斃量保盤南降李雄遜出軍攻

討不能克及遜薨後寇掠州下吏民患之刺史尹奉重募徼外夷刺殺量而誘殺李暹盤南平乃割興古之盤江南三縣爲西平縣

州郡志以爲永嘉五年王遜立核遜以太興四年卒尹奉以太寧末

繼遜爲刺史則何承天言晉成帝立西平郡者是沈約謬也何志五縣此云三縣應是傳寫之訛誤

賁古

方輿紀要賁古城在臨安府東南華陽志刺史王遜分置梁水郡在興古之盤南賁古縣屬水經注葉榆水浮賁古縣北東與盤江合盤水東南逕梁水郡北賁古縣南建武十九年伏波將軍馬援上言從蒼冷出賁古擊益州臣所將駱越萬餘人便習戰鬪者二千兵以上駘

毒矢利以數發矢注如雨所中輒死愚以行兵此道最便盤水又東逕漢興縣盤水北入葉榆水諸葛亮入南戰于盤東是也

毋掇

州郡志劉氏改曰西豐晉太始五年復爲毋掇太康地

志屬興古應是蜀割度水經注溫水東南逕興古之毋掇縣

東與南橋水合水出縣之橋山梁水注之

建伶

華陽志縣屬晉寧郡晉志脫此縣蜀志李恢姑夫爨習爲建

伶令晉官至范書西南夷傳作建憐誤雲南志故城在

府城西北

穀昌

華陽志漢武帝將軍郭昌討夷平之因名郭昌以威夷
孝章時改爲穀昌按前志仍爲穀昌一統志穀昌故城
在雲南府昆明縣北

牧靡

新唐志南寧州有升麻泉麻二縣蓋牧靡縣地

晉宋志作牧麻

華陽志升麻縣山出好升麻有塗水水經注塗水出建
寧郡之牧靡縣南山山在縣東北烏句山南五百里山
生牧靡可以解毒百卉方盛烏多誤食烏啄口中毒必

急飛往豚牧靡以解毒涂水導源臘如西北流至越嶲
久繩

味

一統志曲靖府南甯縣漢味縣新唐志南甯州味縣州

治舊唐志隋廢同樂縣武德元年復置改名味

水經注溫水又逕味縣縣故

滇國都劉氏置建寧郡于此水側皆是高山土差平和

而無瘴毒華陽志味縣郡志有明月社夷晉不奉官則

官與其盟于此社

俗徵巫鬼好詛盟投石結草官常以盟詛要之諸葛亮爲夷作圖譜先畫

天地日月君長城府次畫神龍龍生夷及牛馬羊後畫部主吏乘馬幡蓋巡行安卹又畫牽牛負酒齋金寶詣之之象以賜夷夷甚重之又與瑞錦鏡

券今皆存每刺史校尉至齋以呈之

李恢爲建寧太

守治移味縣

蜀志馬忠傳建興十一年南夷豪帥劉胄反擾亂諸郡徵庾降都督還以忠代翼忠

遂斬胄平南土初都督常駐平夷縣至忠乃移治味縣而于李恢傳則云住平夷縣則陳壽以馬忠爲始治味

未知

孰是恢卒後以蜀郡太守犍爲張翼爲都督翼持法嚴

不得殊俗和夷帥劉胄反以馬忠代翼

張翼傳翼舉兵討胄會被徵當

還羣下咸以爲宜馳騎卽罪翼曰不然吾以蠻夷蠢動不得職故還耳然代人未至吾方臨戰場當運糧積穀爲滅賊之資糧豈可以黜退之故而廢公家

之務乎于是統攝不懈馬忠因其成基破胄

忠在南柔

遠能邇甚垂惠愛官至鎮南大將軍卒後以蜀郡張表

代爲加安南將軍又以犍爲楊義爲參軍副貳之

楊戲傳遷

南中郎參軍副貳庾

表後南郡閻宇爲都督南郡霍戈

爲參軍遂代宇任撫和異俗爲之立法施教輕重允當

夷晉安

漢晉春秋曰弋得後主東遷之間始率六郡將守上表晉文王善之又拜南中都督委以本任

武帝時李毅爲南夷校尉久之建寧太守杜俊朱提太

守雍約懦鈍無治俊奪大姓鐵官令毛詵中郎李督後

志作健爲民毛詵李叙通鑑從作李叙其云健爲民恐誤通鑑作建寧大姓部曲太安元年

秋詵督逐俊以叛朱提大姓李猛亦逐約應之作亂眾

數萬毅討破之斬詵首督走依邈耶五茶夷帥于陵承

與夷爲姓曰邈耶與夷至厚者謂之百世邈耶二年上恩若骨肉爲其遁逃之藪五茶通鑑作五茶

冬已置寧州毅爲于陵承詣毅請恕督罪毅許之督至

羣下以爲詵督破亂州土必殺之毅不得已許諾及督

死于陵承及詵猛邈耶怒扇動謀反奉建寧太守馬恢

爲刺史燒郡僞發毅方疾作力出軍初以救恢及聞其
情乃殺恢夷愈強盛破壞郡縣會毅疾甚軍連不利攻
圍州城毅但併力固孤城病篤不能戰討時李雄亂益
州所在有事救援莫致毅上疏陳謝不能式遏寇虐疾
與事遇使虜游魂兵穀旣單器械窮盡若不垂矜憂乞
請大臣加臣重罪若臣已死陳屍爲戮光熙元年春毅
薨子釗在洛還起到牂柯路塞停住州府文武以毅女
秀明達有父才遂奉領州事秀適漢嘉太守廣漢王載
載將家避地在南故共推
之秀獎厲戰討糧盡人但茹草炙鼠爲命秀伺夷怠輒
出軍掩破首尾三年釗乃得達文武復逼釗領州府事

毅故吏毛孟等詣洛求救至欲自刎懷帝乃下交州使
救助之以王遜代毅自永嘉元年受除四年乃至時荒
亂後倉無斗粟眾無一旅遙惡衣菜食招集夷民夷徼
厭亂漸亦返善勞來不怠數年克復以五茶夷昔爲亂
首遂討滅之及討惡獠剛夷數千落威震南土

昆澤

方輿紀要雲南府昆陽州漢昆澤縣地舊唐志昆州漢
益州郡地華陽志昆澤縣屬建寧水經注溫水又西逕
昆澤縣南蜀志李恢傳恢按道向建寧諸縣大相糾合
圍恢軍于昆明時恢眾少敵倍又未得亮聲息給謂南

人口官軍糧盡欲規退還吾中間久斥鄉里乃今得旋不能復北欲還與汝等同計謀故以誠相告南人信之故圍守怠緩于是恢出擊大破之追奔逐北南至槃江東接牂柯與亮聲勢相連

同瀨

州郡志漢舊縣同作銅水經注溫水西北流逕談藁與迷水合水西出益州郡之銅瀨縣談虜山

同勞

華陽志同勞縣屬晉寧郡新唐志南寧州有同樂縣武

德元年開南中因故同樂縣置

按晉志無同勞縣建寧郡有同樂縣疑蜀分同

雙柏縣屬州郡志不審
概指爲晉武帝立

雙柏

華陽志屬建寧郡水經注僕水歷雙柏縣卽水出秦城
縣牛蘭山南流至雙柏縣東注僕水季漢輔臣贊註何
雙字漢偶爲雙柏長

連然

方輿紀要雲南府安甯州漢益州郡之連然縣鹽井在
州治西濮水同注滇池澤于連然雙柏縣

前書西南夷傳陳立爲連

然長

楸棟

方輿紀要弄棟廢縣今姚州治新唐志姚州姚城縣漢

弄棟縣

姚州西距羊苴咩城三百里

又哀州本弄棟地

按前志字只作弄棟釋益

州太守無名碑陰故吏亦作弄棟舊唐志蜀置雲南郡治橋棟按華陽志雲南郡治雲南縣水經注

毋血水出弄棟縣東農山毋血水

秦臧

新唐志昆州秦臧縣漢故縣地武德元年開南中復置

一統志今爲武定府和曲州又云秦臧故城在雲南府

富民縣水經注葉榆水自邪龍縣東南逕秦臧縣

按華陽志

建寧郡增鄯鄔洽丘修雲定新四縣元帝建興元年刺史王遜刺中割建寧新定興遷二縣新立平樂三沮二縣台四縣爲郡後太守建寧董霸叛降李雄郡縣遂省

永昌郡

西南夷傳顯宗以哀牢地置哀牢博南二縣創益州郡
西部都尉所領六縣合爲永昌郡蜀志建興三年分建

寧永昌郡爲雲南郡

晉書王遜傳分永昌爲梁水郡

不韋

一統志不韋廢縣在永昌府保山縣府志相傳在鳳谿

山下水經注禁水自永昌縣而北逕其郡西

按晉志無永昌縣有

永壽縣華陽志永壽縣今郡治又云去郡千里尋水經注則永昌與不韋相接莫可攷此水旁瘴

氣特惡氣中有物不見其形其作有聲中木則折中人
則害名曰鬼彈故郡有罪人徙之禁旁不過十日皆死

也禁水北注瀘津水又東逕不韋縣北東北流兩岸皆
高山數百丈瀘峰最爲桀秀孤高三千餘丈蜀志呂凱
傳吳遙署雍閬爲永昌太守永昌在益州郡之西道路
壅塞與蜀隔絕凱與府丞王伉帥厲吏民閉境拒閬亮
至南上表曰永昌郡吏呂凱府丞王伉等執忠絕域十
有餘年雍閬高定偪其東北而凱等守義不與交通臣
不意永昌風俗敦直乃爾以凱爲雲南太守王伉爲永
昌太守華陽志凱子祥太康中虧光珠五百斤還臨本
郡遷南夷校尉祥子元康末爲永昌太守值南夷作亂
閩濮反乃南移永嘉去故郡千里遂與州隔絕呂氏世

官領郡于今三世矣

雋唐

方輿紀要雋唐廢縣在大理府雲龍州南華陽志雋唐縣有周水從徼外來水經注蘭倉水又東北逕不韋縣與類水合水出雋唐縣漢武帝置

比蘇

州郡志作芑蘇一統志比蘇廢縣在大理府雲龍州西
樸榆

州郡志云前漢作葉榆水經注縣故滇池葉榆之國也西北八十里有弔烏山縣之東有葉榆澤一統志葉榆

廢縣在大理府太和縣東北

邪龍

方輿紀要麗江軍民府寶山州漢邪龍縣地水經注淹
水東南逕邪龍縣縣以建興三年分隸雲南郡于不韋
縣爲東北

雲南

方輿紀要雲南故城在大理府雲南縣南新唐志匡州
本南雲州貞觀八年更名匡州水經注雲南郡本雲州
地淹水逕姑復縣之臨池澤東北逕雲南縣西東北注
若水華陽志李恢遷漢民數千落于雲南建鹽界以實

二郡

哀牢

一統志哀牢廢縣在保山縣東新唐書南詔傳南詔本
哀牢夷後烏蠻別種自號六詔曰蒙篤詔越析詔浪穹
詔遣賧詔施浪詔蒙舍詔兵埒不能相君蜀諸葛亮討
定之蒙舍詔在諸部南故稱南詔居永昌姚州之右鐵
橋之南王都羊苴咩城別都曰善闡府有六節度曰弄
棟永昌銀生劍川柘東麗水有一都督會川通海有賧
夷語賧若州

博南

一統志博南廢縣在永昌府永平縣南水經注蘭倉水
出西南博南縣其水東北流逕博南山志云南界出金
按南詔傳長川
諸山往往有金或披沙得之麗水多金楚章懷太子注明帝紀云哀牢博南
二縣去洛陽七千里在今匡州匡川縣西

廣漢屬國都尉

晉志蜀建興二年以廣漢屬國爲陰平郡州郡志蜀分
立有廣武縣蜀置晉改曰平武按今晉志
訛爲平廣華陽志陰平

郡本廣漢北部都尉永平後羗虜數反遂置爲郡按此
亦誤

安帝時僅置
屬國都尉耳建興七年丞相亮遣護軍陳戒伐之陳戒
蜀志

作陳遂平武都陰平二郡按蜀以建興七年始得其地
則謂二年置郡者非也郡蓋

曹操平漢中時置而史失之魏亦遙置其郡注云屬蜀郡按前志陰平甸底剛底三縣皆屬廣漢郡又前志云陰平道北部都尉治云廣漢則不得言蜀郡所屬也注誤又此志云戶三萬七千餘而華陽志則戶僅萬蓋損耗者多矣

陰平道

元和志文州曲水縣本漢陰平道晉爲陰平縣屬陰平郡永嘉末地陷李雄縣遂廢後魏平蜀置曲水縣水經

注白水又東南入陰平

寰宇記白水在文州城外五十步源在故松州赤磨嶺流下扶

州故萬全縣東至縣界卽水經注所云也得東維水

寰宇記今名邛維水出縣東北邛維如水

出西北維如東南逕維如東南逕維城西入白水白水

又東南逕陰平道故城南又有白馬水

寰宇記白馬水出縣西南曾敬

出長松縣西南白馬溪東北逕長松縣北注白水

按長

松縣隋志西魏初曰建昌開皇十八年改曰長松南北志俱無長松縣在酈氏先者恐此誤

白水又

東逕陰平大城北蓋其渠帥自故城徙居也白水又東

逕偃城北又東北逕橋頭姜維還蜀諸葛緒邀之于此

又東逕郭公城南昔郭淮攻廖化于陰平築之白水又

東南與南五部水會

地形志武階郡有南五部縣

羌水又東南流至

橋頭合白水魏志郭淮傳姜維出石營從強川西迎治

無戴留陰平太守廖化于成重山築城淮欲分兵取之

諸將以維眾西接強胡化以據險分軍兩持兵勢轉弱

進不制維退不拔化非計也不如合而俱西及胡蜀未

集絕其內外此伐交之兵也淮曰今往取化出賊不意
維必狼顧比維自致足以定化兵不遠西而胡交自離

此一舉而兩全乃別遣夏侯霸等追維于沓中淮自率

諸軍龍攻化等維果馳還救化皆如淮計

姜維傳胡王治無戴等舉

部落部維將還安處之未必悉如淮計鄧艾傳諸軍征蜀使艾與姜維相

綴連雍州刺史諸葛緒要維令不得歸艾遣天水太守

王頌等直攻維營隴西太守牽弘等邀其前金城太守

楊欣等詣甘松

元和志甘松嶺在松州嘉誠縣西南十五里

維聞鍾會諸軍

已入漢中引還欣等追躡于強川口大戰維敗走聞緒

已塞道屯橋頭從孔函如入北道欲出緒後緒聞之卻

還三十里維聞緒軍卻尋還從橋頭過緒趣截維較一

日不及維遂東引還守劍閣

姜維傳景耀六年維表後主聞鍾會治兵關中欲圖

進取宜並遣張翼廖化督諸軍分護陽安關口陰平橋頭以防未然黃皓徵信鬼巫謂敵終不自致啓後主寢

其華陽志永嘉末太守王鑿粗暴郡民毛深左騰等逐

出之相率降李雄宋書氏胡傳元嘉十九年太祖遣龍

驥將軍裴方明等討楊難當初難當遣第二子虎守陰

平聞父走逃還至下辨方明使子肅之要之生禽虎斬

于建康市二十七年王師北討起楊文德爲輔國將軍

率軍自漢中西入文德宗人楊高率陰平平武羣氏據

唐僖楊以拒文德文德水陸俱攻大破之眾並奔散高

遁走單身投羗仇阿弱家文德追至黎邛嶺

卽唐之黎州漢源縣

飛越斬之陰平平武悉平

甸底道

一統志甸底故道在階州文縣西按文州長松縣及扶

州同昌帖夷鉗川尙安四縣皆甸底道地

州郡志晉太康地志于陰

平縣注云宙底當是改宙底爲陰平永初郡國有旨
縣當是後又立此縣而字誤按沈云宙底亦甸底之誤
晉蓋省甸底剛底二道于陰平平武二縣然華陽志仍有華陽志甸底縣有白水出

徼外入漢水經注白水出臨洮縣西南西傾山東南流

與黑水合水出羗中西南逕黑水城西西南入白水

隋志

尙安縣有黑水鉗川縣有白水元和志黑水源自尙安
縣素嶺山經縣三十步白水經同昌縣西帖夷縣南皆

去縣百步寰宇記素嶺山與芳州常芬縣分界水經注
黑水經黑水城西卽此又按北史鄧至羌者白水羌也
其地自街亭以東平武以西汶嶺以北宕昌以南元和
志後魏討定陰平鄧至羌立寧州開皇七年爲扶州參
互考之則其地爲
句底道者良是

剛氏道

按龍州江油清川二縣卽剛氏道地華陽志剛氏縣涪
水所出又平武縣有關尉自景如有步道徑江油左儋

出涪鄧艾伐蜀道也

隋志平武縣有涪水潺水新唐

志貞觀八年省平武入江油水

經注涪水出剛底道徼外寰宇記涪水在江油縣北一

里自松州控峒山下出西北至州東南流逕涪縣西縣有潺水出潺山厯潺亭而下

界注涪水涪水又東南逕江油戍北魏志鄧艾傳艾上言

今賊摧折宜遂乘之從陰平由邪徑經漢德陽亭趣涪
出劔閣西百里去成都三百里奇兵衝其腹心劔閣之
守必還赴涪則會方軌而進劔閣之軍不還則應涪之
兵寡矣冬十月艾自陰平行無人之地七百餘里鑿山
通道造作橋閣胡三省曰今隆慶府陰平縣北六十里有馬閣山峻峭艱險鄧艾軍行至此路不得通乃造作棧閣始通江油因名馬閣寰宇記馬閣水自江油縣大業山下下經馬閣山南流入劔州陰平縣界山高水深至爲艱險又糧運將匱頗于危殆艾以羶自裹推轉而下將士皆攀木緣崖魚貫而進先登至江油蜀守將馬逸降

蜀郡屬國

西南夷傳靈帝時以蜀郡屬國爲漢嘉郡晉志蜀章武

元年爲郡按此同汝山朱提之例晉志或是州郡志亦云蜀立沈志江左省爲縣

屬江原郡

漢嘉

一統志漢嘉故城在雅州府雅安縣北志云縣有蒙山隋志名山縣舊

曰蒙山開皇十三年改始陽縣曰蒙山改蒙山曰名山大業初改蒙山曰嚴道元和志蒙山在縣南十里則唐

之嚴道亦漢嘉縣境也諸志以雅州所屬概目爲漢嚴道者非又通典云嘉州龍游縣漢曰青衣道此隋曾爲

青衣縣以嘉州近昔之漢嘉郡地故取漢青衣爲名水經注青衣王子心慕漢制

上求內附順帝改曰漢嘉嘉得此良臣也縣有蒙山青

衣水所發東逕其縣逕平鄉謂之平鄉江益州記曰奉

鄉江東逕峨眉縣山在南安縣界去成都千里然秋白
清澄望見兩山相峙如峨眉焉青衣水東注大江又
水出岷山西南流過漢嘉郡南流衝一高山山上台下
開水逕其間卽蒙山也自蒙山至南安西涵崖水脈漂
疾破害舟船蜀郡太守李冰發卒鑿平涵崖河神厭怒
冰乃操刀入水神與鬪遂平涵崖通正水路蜀志楊儀
廢徙漢嘉郡向朗兄子寵征漢嘉蠻夷遇害華陽志李
雄時漢嘉夷王冲遣子質嚴道元和志雅州管下嚴道
百丈名山廬山榮經五縣皆嚴道縣地李膺記曰自晉
永嘉後此地荒
廢將二十紀夷獠居之後魏廢帝二年置蒙山郡于此
寰宇記靈關路在蒙山縣界去蕃界八日程叩嶽關在

樂經縣西南七十里隋大業十年置約山據險當雲南
大路扼蕃夷要害唐因之舊唐志臨邛南百二十里
有百盧山在縣西北九里其山西北連延入夷獠界正
北卽邛州火井縣界蜀漢嘉太守黃元舉
郡反燒臨邛城以此

徙

一統志徙廢縣在雅州府天全州或晉曰徙陽蜀志張
疑傳有
斯都耆率華陽志邛都縣
有四部斯兒蓋卽徙縣人

旄牛道

元和志黎州通望縣本漢旄牛縣地開皇末于此置大

渡鎮武德元年爲陽山縣天寶初改名通望寰宇記大
渡河北漢

水西今有古旄牛城俗呼爲牛頭城大渡河在
縣南十五里自吐蕃界經雅州東流入縣界水經注

若水東南流鮮水注之一名州江大度水出徼外至旄
牛道南流入若水繩水南逕旄牛道至大祚與若水合
蜀志張寔傳漢嘉郡界旄牛夷種類四千餘戶其率狼
路欲爲姑壻冬逢報怨遣叔父離將逢眾相度形勢寔
遣親近齋牛酒勞賜又令離姊逆逢妻宣暢意旨離既
受賜并見其姊姊弟歡悅悉率所領將詣寔寔厚加賞
待遣還旄牛由是輟不爲患郡有舊道經旄牛中至成
都旣平且近越嶲郡所由路自旄牛絕道已百餘年更由安上
旣險且遠寔遣左右齋貨幣賜路重令路姑喻意路乃
率兄弟妻子悉詣寔寔與盟誓開通舊道千里肅清復

古焉驛奏封路爲旄牛响毗王

犍爲屬國

華陽志建安二十年鄧方爲都尉先主因易名太守屬

縣五

鄧孔山贊註以荊州從事隨先主入蜀蜀旣定爲犍爲屬國都尉因易郡名爲朱提太守遷爲安遠

將軍康降都督住南昌縣按州郡志云南昌太康元年

更名南秦然華陽志則云南秦縣自夔道南廣有八亭

通通今安南昌縣故都督治有鄧安遠城兩縣並列明

非晉改今晉志蓋誤南昌爲南廣沈所見太康地志蓋

與今本晉志言章武元年置者非元和志以爲諸葛武侯南征時置益復不

經

朱提

元和志曲州朱提縣漢于此置朱提縣

寰宇記隋開皇六年置開邊縣

在馬湖朱提兩江口置新唐志貞觀八年以石門朱提

鹽泉三縣置撫夷及開邊縣隸戎州自開邊縣南七十

里至曲州按此水經注朱提山名在犍為郡南千八百

則亦漢朱提地許里建安二十年立朱提郡郡治縣故城郡西南二百

里得所綰堂琅縣蓋蜀時復置西北行上高山羊腸繩屈八

十餘里或攀木而升或繩索相牽而上三蜀南中之人

以為至險有瀘津東去縣八十里水廣六七百步深十

數丈有瘴氣自朱提至犍道有水步道水道有黑水羊

官水至險難三津之阻行者苦之故俗為之語曰楫溪

赤水盤蛇七曲盤羊鳥籠氣與天通看都護泚住柱呼

伊庾降貫子左擔七里又有牛叩頭馬搏頰故其艱險

如此華陽志元康末朱提大姓太中大夫李猛有才幹
弟爲功曹分當察舉而太守雍約受都尉雷逢賂舉逢
子炤孝廉不禮猛猛等怨之遂約校尉李毅討破之猛
箋降曰生長遐荒不達禮教徒與李雄和光合勢雖不
能營師五丈略地涓濱冀北斷袞斜東據永安退考靈
符晉德長久誠非狂夫所能干輒表革面歸罪有司教
惡其言遂誘殺之太興二年李驥伐朱提三年獲太守
西夷校尉李釗咸和七年秋李壽南征寧州以費黑爲
司馬與邵攀等爲前軍由南廣入又別遣任回子調由
越雋晉書李雄記又遣南任回征木落壽黑至朱提朱

分寧州之援此與通鑑皆作越雋

壽黑至朱提朱

提太守董炳固城寧州刺史尹奉遣建寧太守霍彪大
姓龔深等助炳時壽已圍城欲逆拒之黑曰料城中食
少霍彪等雖至齎糧不多宜令人入城其消其數何緣
拒之彪等皆入城城久不下壽欲急攻之黑曰南道險
俗好反亂必待其智勇已困全軍取勝但當日月制之
涸牢之物何及汲汲也壽必欲戰果不利乃悉其以軍
事任黑八年春正月彪炳等出降威震十三郡三月刺
史尹奉舉州委質遷奉于蜀壽領寧州晉書王遜傳李
驥等渡瀘寇寧州遜使將軍姚崇龔琛拒之戰于堂
琅大破驥等崇追至瀘水赴水死者千餘人崇以道遠

不敢渡水遜以崇不窮追怒囚羣帥執崇鞭之怒甚髮
上衝冠冠爲之裂夜中卒姚崇華陽志與水經注皆作姚岳又按華陽志遜以太興
四年發病卒薨而此爲三年事
則非緣怒而死與酈注同傳誤

漢陽

按其地常在唐戎州南溪縣南爲協州之地一統志漢
陽故縣在敘州府慶符縣南華陽志漢陽縣有漢水延
江水經注延江水出犍爲南廣縣與漢水合水出漢陽
道山關如東至鬱縣入延江水蜀志法正子邈爲漢陽
太守似蜀時經爲郡或遙領涼州之漢陽郡華陽志建興三年冬亮南征
還至漢陽與魏絳人李鴻相見說新城太守孟達委仰

後漢書疏證卷二十四 美

于亮無己亮方北圖欲推達爲外援曰歸當有書子度
相聞

後漢書疏證卷二十四終